



Rekao je (Allahov Poslanik): 'Slušajte i pokoravajte se. Oni su odgovorni za ono što su se obavezali, a vi za ono što ste se obavezali.'

Prenosi se od Vaila El-Hadramija da je rekao: "Selema b. Jezid El-Džufi upitao je Poslanika, sallallahu alejhi ve sellem: 'Allahov Vjerovjesniče, šta nam savjetuješ da činimo ako naši nadređeni traže od nas da izvršavamo svoje obaveze prema njima, a sami ne ispunjavaju svoje obaveze prema nama?' Poslanik, sallallahu alejhi ve sellem, okrenu se tada od njega. On ga ponovo upita, a Poslanik se opet okrenu. Zatim ga je upitao drugi ili treći put, pa ga je El-Eš'as b. Kajs povukao. Rekao je (Allahov Poslanik): 'Slušajte i pokoravajte se. Oni su odgovorni za ono što su se obavezali, a vi za ono što ste se obavezali.'"

[صحيح] [رواه مسلم]

Poslanik, sallallahu alejhi ve sellem, upitan je o vođama koji traže svoja prava od ljudi, kao što su poslušnost i pokornost, a odbijaju da ispune svoje obaveze; da pružaju pravdu, dijele plijen, ispravljaju nepravde i uspostavljaju red. "Šta nam naređuješ da radimo s njima?" Poslanik, sallallahu alejhi ve sellem, skrenuo je pogled od njega, kao da je mrzio ta pitanja. Međutim, pitalac ga je ponovo upitao, a zatim i treći put. Tada ga je El-Eš'as b. Kajs, radijallahu anhu, povukao kako bi mu naznačio da treba šutjeti. Poslanik, sallallahu alejhi ve sellem, odgovorio je: "Slušajte njihove riječi i pokoravajte se njihovim naredbama; jer oni su odgovorni za ono što im je povjereno", a to su pravednost i ispunjavanje obaveza prema narodu, "a vi ste odgovorni za ono što je vama povjereno", a to su pokornost, ispunjenje obaveza i strpljenje u nevoljama.

<https://sunnah.global/hadeeth/bs/show/5037>

